

Apënëtal and Lasar do gë ar gë napul an (Luk 16.19-31)

Ata re ko bëte Yesu. Ako ri baxo ar gë napul. Mëñ banjëm banjekax, band xemënëk acanji fo baxo şudand. Do key yo key ñambëran itëm fo bax gër iciw̃ indexëm. Axaỹëanaxik ar bano w̃acënd Lasar bax renarand gër ebët ed iciw̃. Dek okejën fo baño emanëñ. Ako baño yandind exo međara gër ed baxo yambërand ar gë napul an. Ado ođanjët fo baño sëkand eno đayëndëra okejënok. Akey amat, axaỹëanaxik ajo nemi ko. W̃ëla këno omeleka ok. Nemi ko bëte ar gë napul an do w̃ëxëta këno. Ata hix këmi bën tak gër ngwën ind bësësëk: axaỹëanaxikan gër ed exo Abëraxam do ar gë napul an gër ed ex toro. Ga xeña ko, wat këbi caw Abëraxam gë Lasar ga bexena këño. Ata w̃ac ko: E şaca Abëraxam, kaỹënanëlexi wëno! Pelëlo Lasar exo ñëmb ebasal gër men do exo yow exe tabinan gër aniw̃. Mbanj këme sorond gër xodux ro. Yaka ko Abëraxam: Şaca, kwital ang beta bay ak gër aniyandey xarak Lasar në etoro baxo. gërëgako mëñ betak do wëj kë sorond. Ado fa ambëxw atiwx fani këbo na wën gë biyi. Biyi ro ar yandi këño exo yeli an axo kor na bëte wën fën ala ex korëna exo yow. Ga wël ko eño, wëka ko bëte ar gë napul an: Këla şaca Abëraxam, ga hik ako ex, đawënëlo Lasar gër

ndeŋi, bɛnjo exɛni bɛmaɣɛ bɛnd bayiwɛk fɛn bɛŋ. Kɛla, ɣɛlexo ngwa ebi pelɛx kɛrene tɛfɛtelina
wɛno kɛdi kɛni ɣow bɛn bɛte ro gɛr toro. Abɛraxam yaka ko: Tɛfɛyindɛlexɛni er ɣɛgw kɛni Moyis do
gɛ obatula ok bɛn dɛk gɛr akayɛta and Kaxanu in. Ar gɛ napul an re ko bɛte: Ali ababak ɛno Ŝaca!
Angɛmɛne ar nemik sɛkɛx kɛbi aɲo fo kɛni w̃a eni nɛngwɛt ola orebɛn ol. Na re ko Abɛraxam:
Angɛmɛne ani tɛfe na er re ko Moyis gɛr acariya in, ani mana bɛte ado ebi tɛkɛx ar nemik.